



2

# DEKLARÀCIA VASH O HAKAIJA

## Dini jekhe manuśesqe k-o phandlipe pućhlāripnasqo

organizuime kriminalitēta aj delinkvēna, khrigal/bizo kotar o dròge aj o terorizmo (art. 63-1, 706-73 et 706-88 kotar o kòdi vash o penalna procedure)

**O informàcie po tele si te oven phendine tuqe ande jekh ćhib kaj halōves.**

### **Śaj te inkeres akava dokumēnti sa o vaxt kana inkēren tut pućhlāripnasqe**

San zanavd/o/i kaj ćhite tut k-o phandlimos pućhlāripnasqe odolesqe so patāl pes, godāća aj bute butēnθar, kaj kerdān ja zumavdān te keres phaglippe e zakonesqo, kriminalitēta ja delinkvēna, savo pal-o zakòno śaj te legarel e manuśes k-o phandlimos.

Si tut hakaj/pràvo/drēpto te zanes i kualifikàcia, i dàta aj o than kaj patāl pes so kerdān i infràcia savāqe akuzonen tut thaj o aśa sosqe ćhivde tut k-o phandlipe pućhlāripnasqo.

Ka pućhen tut pal akala ondīmàta/fàkte k-o vaxt so inkeren tut k-o pućhlāripe, źi k-o biś thaj śtar ćasurā.

Pal akava vakti, o Prokuròri e Republikaqo ja o krisārno e investigaciaqo śaj te lel decizia te lungārel o inkērimos phandl/o/i k-o pućhlārimos pànda biś thaj śtar ćasurā Normal, ka legaren tut anglal akava krisārno savo ka pućhel tut, śaj vi kameraća p-o internet.

Kana musaj e anketaqe ja e investigaciaqe, thaj ekcepçional, o krisārno e investigaciaqo ja o krisārno e mukhlimasqo aj e phandlimasqo śaj te lungāren o inkerimos k-o pućhlāripe duj var kotar biś thaj śtar ćasurā sarkon var/ sajekh drom.

No, kana dikhōl pal-o anglune śtar var deś thaj oxto ćasurā kaj trebul but vaxt vaś i investigàcia so si kerimasqe, o krisārno e mukhlipansqo aj e phandlipnasqo ja o krisārno e investigaciaqo śaj te lungārel o inkerimos k-o pućhlāripe sadaj jekh drom/var/ sajekh drom, vaś śtar var deś thaj oxto ćasurā.

Kana agordel o phandlipe pućhlāripnasqo, sar phenel i decizia e Republikaqe prokuroresqi ja e investigaciaqe krisārnesqi, ja ka bićhalen tut k-o krisārno, ja ka mukhen tut. K-i jèkhto hipotēza, ka nakhes anglal jekh krisārno andre k-o biś ćasurā pal-o agor e pućhlāripnasqe phandlipasqo, khrigal te aćhilan k-o akava phandilpe pućhlāripnasqo maj but sar 72 òre/ chasura/ saatija.

### **Žanaven tut vi kaj si tut hakaj/drēpto/pràvo te:**

#### **žanaves varesave manuśen kaj astarde tut**

Śaj te manges te žanaven k-o telefōni jekhe manuśes saveća beśes ja te dades ja te daja, ja jekh te phralenθar ja te phenēnθar, ja tire brakhne ćhutino kotar o sūdo, savo lel sàma tuθar, te phenen lesqe ja laqe kaj inkeren tut pućhlāripnasqe.

Śaj te phenes kaj inkeren tut e śingale vi e manuśesqe kasqe keres buti.

Te san avrutn/o/i, śaj te žanaves e avoritēte k-i konsulàta e Themesqi kotar san.

O Prokuròri e Republikaqo ja o krisārno e investigaciaqo śaj te phenel na, te refuzil to manglippe, kana dikhel kaj si maj miśto kadijal vaś i ankēta.

Normal, akala butā si te oven kerde andre k-o trin ćasurā kotar o momēnti so manglan len, nūmaj kana naśtil pes, śaj vi maj palal.

### **Te dikhel tut jekh doktòri**

Šaj te manges te zas k-o doktòri kotar o šird, sar phanden tut pučhläripnasqe thaj vi kana lungären o inkëripe. Te lungärde to inkeripe phandl/o/i pučhläripnasqe, musaj si te te dikhel tut jekh doktòri thaj ka phenen tuqe so šaj te kames pälem jekh kontròla k-o doktòri.

### **Te keres deklaràcie, te des anglal o pučhimàta ja te na des dùma, te na vakeres khanć**

Pala so phendan kon san, katar san, kana thaj kaj biandilan, k-o pučhlärimàta, si tut hakaj/pràvo/drèpto:

- Te keres deklaràcie,
- Te des anglal o pučhimàta so pučhen tut,
- Ja te na vakeres khanć.

### **Te ovel tut avokàti**

#### **- Alosaripe e avokatesqo**

Sar phanden tut pučhläripnasqe, aj te lungärde o phandlipe pučhläripnasqo, kotar o momènti so lugärde les, šaj te manges te ovel tut jekh avokàti kaj kames tu te ovel. Kana na pinzares avokates ja kana o avokàti so alosardan našti te lel pes kontàkti leça, šaj te manges jekh avokàti kotar o them, bi lovenqo.

Jekh manuś kolenθar kasqe phendan kaj inkeren tut k-o pučhläripe šaj te čhivel tuqe avokàti. Atùnci, si te keres konfirmàcia akale avokatesqe.

#### **- Ažutipe e avokatesθar**

O avokàti šaj:

- te del dùma, te vakerel tuça 30 minùte, bi te šaj šunel khonik aver so tumen vakeren. Te lungärde to inkëripe k-o pučhläripe, šaj te manges palpalem te des dùma leça kotar o šird, sar astarel o lungäripe.
- thaj te manglan, vi te bešel tuça kana pučhen tut aj kana čhiven tut averença te mothoven so sas.

#### **- Kana del andre o avokàti**

Pal-o nevòje e anketaqe save ispiden kaj te pučhen tut imediat, o prokuròri e Republikaqo ja o krisärno e investigaciaqo šaj del autorizàcia, lileça kaj mothovel vi o motive sosqe, kaj te pučhen tut bi te ažukeren o duj çàsura te avel o avokàti.

Kana si but vasno, i intervència te avokatesqi šaj palem te ovel ispidime maksimum 3i k-o 48 çàsura.

### **Ažutipe kotar jekh rinčhibärno/tromàci**

Te na vakerdän ja te na halòvdan francikanes, si tut hakaj/drèpto/pràvo te ažutinel tut bi lovenqo jekh rinčhibärno/tromàci k-o pučhlärimàta thaj kana des dùma te avokateça.

### **Hakaj/drèpto/pràvo te manges te ačhavdöl o inkëripe k-o pučhläripe**

Šaj te manges kotar o prokuròri e Republikaqo, kotar o krisärno e investigaciaqo ja kotar o krisärno e phandlipnasqo aj e mukhlipnasqo, kana akava krisärno si te lel i decìzia vaś jekh lungäripe e inkëripnasqo, kaj te na maj lungärel to inkëripe k-o pučhläripe.

### **Akcèsi/dromandre k-o varesave lila tire dosaresθar**

Tu ja to avokàti, anglal so te ovel jekh lungäripe e pučhläripnasqe inkëripnasqo, šaj te mangel te dikhen:

- o proces-verbàli e informaciaqo kaj čhite tut k-o inkëripe pučhläripnasqo;
- o certifikàto ja o certifikàte pal o sastipe so kerda o doktòri kana dikhla tut.
- o proces-verbàli ja o proces-verbàlă e pučhlärimatenqe.